



Broj: 04-40-1-187/23
Sarajevo, 07.07.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 06.07.2023. do 08:30 sati 07.07.2023. godine

U izvještajnom periodu, a uslijed obilnih kišnih padavina, kojim je bilo pogođeno područje Kantona Sarajevo jučer u poslijepodnevnom satima došlo je do porasta nivoa vodostaja svih vodotokova na području Kantona Sarajevo. Zabilježeno je više poziva od strane građana, da je došlo do pojave bujičnih voda, izlivanja manjih vodotokova i kanalizacije, začepjenja šahtova i odvoda, uslijed čega je došlo do ulijevanje vode u više stambenih, poslovnih i pomoćnih objekata, te plavljenja podvožnjaka i saobraćajnica u naseljenim područjima, posebno na područjima općina Ilidža, Novi Grad, Centar, Stari Grad, Novo Sarajevo i Vogošća. Također, je došlo do obrušavanja stabala i grana na saobraćajnice i pješačke zone. Obilne kišne padavine su prouzrokovale prekide u saobraćaja na pojedinim pravicima, kao i otežano odvijanje saobraćaja na svim saobraćajnicama. Na teren su odmah izašle ekipe kantonalnih i općinskih struktura civilne zaštite, kao i ekipe nadležnih komunalnih preduzeća, koje su preduzele neophodne mjere i aktivnosti na ispumpavanju vode iz poplavljenih objekata, otčepljavanju šahtova i odvoda, te čišćenju podvožnjaka i saobraćajnica.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 13 intervencija: gašenje zapaljenog automobila (3), gašenje kontejnera sa smećem (1), gašenje elektroinstalacija u kući (1), šest tehničkih intervencija na ispumpavanju vode iz poplavljenih objekata i dvije intervencije obezbjeđenja u toku tankanja goriva na Međunarodnom aerodromu Sarajevo.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 18°C, vlažnost zraka 99%, barometarski pritisak 946,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

POVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a